


# KOMMUNIMUT PILERSAARUMMUT TAPILUSSAQ 1C35-1

## Qatserutaasivik, Nuuk

Februaari 2018



**KOMMUNEQARFIK SERMERSOOQ**  
Sanarfinermut Avatangiisinullu Ingerlatsivik  
Forvaltning for Anlæg og Miljø

### **Kommunimut pilersaarummut tapiliusseq sunaava?**

Kommunimut pilersaarummut tapiliusseq tassaavoq ingerlaavartumik suliarineqartartoq, taamaattumik Pilersaarusionermut inatsit naapertorlugu (Pilersaarusionerq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-imeersoq) naapertorlugu kommunalbestyrelse pisussaavoq, kommunimut pilersaarut pillugu pisariaqartutigit malinnaatitsissalluni. Taamatut malinnaatitsisarneq isumagineqartuarterpoq kommunimut pilersaarummut allannguutissanik imaluunniit ilanngussassanik pisariaqartunik tapiliussassaqaqartillugu.

Kommunalbestyrelse kommunimut pilersaarummut tapiliussamik nunaminertamik atuinissamut sanaartukkanullu tunngasunik aalajangersagartalimmik taamaalilluni sukkulluunniit suliaqarsinnaatitaavoq. Tamatuma saniatigut Kommunalbestyrelse sukumiisumik aalajangersagartalimmik kommunimut pilersaarummut tapiliortussaataitaavoq:

- Nuna tamakkerlugu pilersaarusionerup kommunillu pilersaarusionerata piviusunngortinnissaanut qulakkeerinissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit ingutserilinnginnermi.

Kommunimut pilersaarummut tapiliusseq marlunnik immikkoortortaqaqpoq, **nassuiaat** aamma **maleruaqqusanut** tunngasut.

- **Nassuiaammi** kommunimut pilersaarummut tapiliussap siunertaa anguniagaalu, pissutsit immikkoortup iluani eqqaanilu pioreersut nassuiarneqarput.
- **Malittarisassartaani** pilersaarutip piviusunngortinnissaanut atatillugu, aalajangersakkat malinneqarnissaat allassimavoq. Aalajangersakkat pingaarnertut inissillugit allanneqarput aammalu aalajangersakkat sukumiisunngorlugit allanneqarlutik. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigut nunap assingi ilanngussat attuumassuteqartut, aalajangersagartaaniipput.

### **Tamanut nalunaarut**

Kommunimut pilersaarummut tapiliusseq 1C35-1 inaarutaasumik atuutilersutut tamanut nalunaarutigineqarpoq ulloq 14.03.2018.

**Kommuneqarfik Sermersooq**  
**Sanarfinermut Avatangiisinullu Ingerlatsivik**  
**Postboks 1005**  
**3900 Nuuk**

### **Pilersaarut sumi atuarneqarsinnaava?**

Pilersaarut Nunatta Atuagaateqarfiani imaluunniit kommunip nittartagaani [www.sermersooq.gl-imi](http://www.sermersooq.gl-imi) atuarneqarsinnaavoq, kommunip innuttaasunut sullissivianut imaluunniit Sanarfinermut Avatangiisinullu Ingerlatsivimmut Kuussuaq 2, 3900 Nuuk saaffiginnillutit pissarsiarisinnaavat, oqarasuaat 36 74 31.

**IMARISAI**


<b>1</b>	<b>NASSUIAAT</b>	<b>4</b>
1.1	PILERSAARUSIORFIK	4
1.2	SIUNERTAA TUNNGAVIILU	5
1.3	PISSUTSIT ATUUTTUT	5
1.4	PILERSAARUMMI PINGAARNERIT	6
1.5	PILERSAARUMMUT TAPILIUSSAP INATSISITIGUT ATUUFFII	6
<b>2</b>	<b>AALAJANGERSAKKAT</b>	<b>8</b>
2.1	PINGAARNERTUT AALAJANGERSAKKAT	8
2.2	AALAJANGERSAKKAT SUKUMIISUT	10
<b>3</b>	<b>AKUERSINERMUT UPPERNARSAAT</b>	<b>14</b>
<b>4</b>	<b>ASSI ILANNGUSSAQ</b>	<b>15</b>

# 1 NASSUIAAT

Una tapiliusaaq immuni kommunimut pilersaarummut tapiliussat 37-saat uunga "Nuummur pingaarnertut aqqissuussaq nutaaq"-mut pilersaarummut ilanngunneqarpoq. Kommunip pilersaarutaanut tapiliussani 37-ni nunaminertat tamarmik pilersaarummut Nuuk City Developmentimut (NCD) ilaapput, aamma nunaminertat tunniunneqartut kommunip illoqarfimmik ineriartortitsinermut suliniutaanut toqqaannartumik tunniunneqarlutik. Nunaminertat Kommuneqarfik Sermersuumit imaluunniit Kommuneqarfik Sermersuup toqqaannartumik toqqaannangitsumilluunniit 100 procentimik pigineqartunut ineriartortitsinermut peqatigiiffiusunik atorqeersinnaavoq siunertanut pisortatigoortumik atugassatut siunertanulluunniit namminersortunit atugassatut.

## 1.1 PILERSAARUSIORFIK

Immikkoortoq Nuup qeqqaniippoq - Dronning Ingridip Napparsimmavissuata avannamut kangiani - kimmur killeqarfigalugu Svend Jungep Aqqutaa, avannamut Qatserisut, kangimut Kajs Auto aamma kujammur inissiat quleriaat 'Tårnit'. Immikkoortoq ullumikkut qatserutaasivittut atorqeearpoq. Qatserutaasiviup nuunneqarnissaa piimasaqaataassaaq immikkoortoq siunertarineqartutut meeqqerivittut atorqealartinnagu.



### Ilisarnaatinut nassuiaatit

Immikkoortup ilaa pioreersoq	Inissiaqarfik A	Nunaminertaq sanaartorfigeqqusaanngitsoq D
Immikkoortup ilaa nutaaq	Siliffeqarfeqarfik B	Teknikkikkut atortorissarutit kiisalu attaveqaatitigut atortorissarutit E
Inissiat/illut pioreersut	Illoqarfiup qeqqa C	

*Pioreersunut killigitat immikkoortullu ilaa nutaaq titarnernik aappaluttunik ilisarnaateqarput.*

Kommunimut pilersaarummut tapiliusaaq, Kommuneqarfik Sermersuumut Kommunimut pilersaarummut 2028-mut ilaavoq taanna pingaarnertut

inuussutissarsionermut siunertaqartunut atugassatut naatsorsuunneqarpoq, qulaani assi takuuk.

Kommunimut pilersaarummut tapiliassaq atorlugu immikkoortup ilaanik nutaamik inissiisoqassaaq, immikkoortullu atuuffia qitiuffinngortinneqassalluni tamanut atuuffiususaaq.

## 1.2 SIUNERTAA TUNNGAVILU

Kommuneqarfik Sermersuumi naliginnaasumik kissaatigineqarpoq, meeqqerivimmiit allamut nuuttariaqartarnek killilersimaarniarlugu aamma ininik atortunillu pitsaanagerusunik periarfissiisunik ukioqatigiinngiaanunut meeqqeriviliortiterinissaaq.

Kommunimut pilersaarummut tapiliussaq suliarineqarpoq, ukioqatigiinngitsunut meeqqerivimmik meeraaqqerivittalimmik periarfissat siunertaralugit, taamatullu inissianik quleriiaanik sanaartorfissatut periarfissat aalajangersarumallugit.

Kommunimut pilersaarummut tapiliussami tunngaviit tassaapput:

- Immikkoortup qitiusoqarfittut atorneqarnissaa aalajangiiffigissallugu
- Immikkoortumi sanaartukkat pioreersut isaterneqarnissaat periarfissaaalersinniarlugu
- Sanaartorfissaaq A-mi ukioqatigiiaanngitsunut meeqqerivimmik meeraaqqerivittalimmik sanaartorsinnaaneq periarfissaaalersinniarlugu
- Meeqqerivimmut atasumik silami nunaminertat 1:1 aallaavigalugit pilersinnissaat qulakkeerniarlugu
- Sanaartorfissaaq B-mi inissianik quleriinnik sanaartornissaaq periarfissaaalersinniarlugu.
- Immikkoortoq, pioreersut avatangiisillu eqqarsaatigalugit aalajangiiffigineqassasoq
- Meeqqat meeqqerivimmiittut pitsaasunik atorluarsinnaasunillu inissianullu nutaanut atasunik silamiiffissaannik qulakkeerinissaaq
- Svend Jungep Aqqutaanit aamma Qaterserisunit, aqquserngit qulaakkeernissaat takuuk assitaliussaaq 1C35

## 1.3 PISSUTSIT ATUUTTUT

Immikkoortoq katillugu 0,6 ha-nik annertussuseqarpoq, manissukujuuinnaalluni nunap immamit qatsinnerunera 28-ulluni. Immikkoortoq ullumikkut qatserutaasiviup tamaani inissisimaneranit sunnersimaneqarpoq. Qatserutaasiviup saniatigut immikkoortup kujammut kangiani inissiaqarfik 'Tårnit' inissisimavoq taamatullu inuussutissarsionermik ingerlatsiviit biilileriffik aamma allaffeqarfiit il.il. Siunertaavoq qatserutaasiviup Nuummi illoqarfiup immikkoortortaanut Nuussuarmut nuunneqarnissaa, kissaatigineqartutut

allangortiterineq periarfissinniarlugu.

#### 1.4 PILERSAARUMMI PINGAARNERIT

Kommunimut pilersaarummut tapiliussakkut immikkoortup ilaa tamanut atugassanngorlugu aalajangersarneqarpoq, tamaani meeqqerivimmik meeraaqqerivittalimmik , kiisalu taakkununnga atasunik silamiiffissat, sukisaarsarfissat aamma timersorfissat, biilinu inissiiviit il.il. atorneqarsinnaaqullugu.

Pilersaarutip pilersinneqarnissaanut piumasaqaataavoq immikkoortortami maannamut atuuttoq - qatserutaasivik - allamut nuullugu illutai isaterneqassasut. Tamatuma kingorna nutaamik illuliorloqassaaq ukioqatigiinngitsunut meeqqerivimmik meeraaqqerivittalimmik quleriinni katillugu 1.100 m<sup>2</sup> annertussuseqartumik. Meeqqerivimmut atasumik 1:1 annertussusilimmik silamiiffissaq, taakkununnga ilanngullugit pinnguartarfik aamma arsaattarfik il.il. sananeqassapput.

Meeqqerivimmik nutaamik sanatitsisoqassaaq meeqqerivinnut Atuuffissatut pilersaarut sukulluunniit atuuttussatut Kommuneqarfik Sermersuumit suliarineqartoq naapertorlugu.

Ilanngullugu illumik nutaamik tallimanik quleriilimmik sanaartortoqarsinnaaneranut periarfissiisoqassaaq, taanna inissiatut atorneqarsinnaassaaq. Inissialiornermut atatillugu init allit qitiusumik siunertanut atorneqarsinnaapput.

#### 1.5 PILERSAARUMMUT TAPILIUSSAP INATSISITIGUT ATUUFFII

##### **Inaarutaasumik inatsisitigut sunniutit**

Kommunimut pilersaarutip piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiiinerni. (*Pilersaarnermut inatsimmi § 29*)

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerpat kommunimut pilersaarummut tapiliussamut inatsisitigut piviusumilluunniit akerliusumik pissutsinik pilersitsisoqassanngilaq. (*Pilersaarusiornermut inatsimmi § 30*)

Pisulli ilaanni aalajangersakkanit sukumiisunit nikingasoornernut annikinnerusunut immikkut ittumik akuersissuteqartoqarsinnaasarpog. Nikingasoornert pingaarnert aamma aalajangersakkanit pingaarnert nikingasoornert pissutigalugit nutaamik kommunimut pilersaarummut tapiliussaliorloqassaaq. (*Pilersaarusiornermut inatsimmi § 50*)

Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allangortinneqarnerat

nutaanilluunniit illuliornerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngilaq nunaminertat, illut atortulersuutilu pilersaarummi ilaatinneqartut, pilersinneqassasut.


## 2 AALAJANGERSAKKAT

Matumuuna "Pilersaarusiortarneq nunaminertanillu atuineq pillugit Inatsisartut inatsisaat nr. 17, 17. novembari 2010-meersoq" (Pilersaarusiortarneq pillugu inatsit) kingusinnerusuk allannguutitalik naapertorlugu aalajangersakkat tullinguuttut makku Kommunalbestyrelsimit aalajangersarneqarput.

Aalajangersakkat aalajangersakkanut pingaarnernut aalajangersakkanullu sukumiisunut avitaapput.

Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Aalajangersakkat pingaarnertut pilersaarummi tunngaviummik tunngaviupput taamaattumillu aalajangersakkanit taakkunanga immikkut ittumik akuersissuteqartoqarsinnaanngilaq.

### 2.1 PINGAARNERTUT AALAJANGERSAKKAT

MAANNA PINGAARNERTUT AALAJANGERSAKKAT	PINGAARNERTUT AALAJANGERSAKKAT NUTAAT
Immikkoortup ilaata killeqarfilersorneqarnera	
	
<b>1. Siunertaq</b>	
Qitiusumi siunertat	<b>Nalinginnaasumik atuineq:</b> C – Qitiusumi siunertanut <b>Immikkut ittumik atuineq:</b> C1 - Qitiusumi siunertanut

<b>2. Atorneqarnera</b>	
Immikkoortup atorneqarnera atugassanik pisiniartarnerup iluani pisiniarfissuaqarnermut, tamat aqqusaartugassaannut namminersortullu kiffartuussinerannut, inissiaateqarnerannut, akunnittarfeqarnerannut, neriniartarfeqarnerannut kiisalu pisortat allaffeqarfiinut suliffeqarfiinullu aalajangersarneqassaaq.	Immikkoortumi ataatsimut siunertaqarfiusunut, meeqqerivimmumt meeraaqqerivittalimmumt assingusumillu atuuffigisinnaasaanut assigisaannullu pisortanit siunertarinqartunut atorneqarnissaa aalajangiunneqassaaq.
<b>3. Sanaartukkat</b>	
Quleriit tallimat angullugit portutigisunik illulioraqarsinnaavoq.	Quleriit tallimat angullugit portutigisunik illulioraqarsinnaavoq.
<b>4. Inissaqassuseq</b>	
Immikkoortumi inissaq sinneruttoq 33.100m <sup>2</sup> -iuvoq, illuliat inaarutaasumik ilusilersorneqarnerat apeqqutaatillugu. Matuma qulaani illuliornissanut periarfissat nunguppata immikkoortup ilaa tamakkerluni sanaartorfigineqareersutut sinneruttunillu inissaqartitsiffiunngitsutut isigineqalissaaq.	Immikkoortup ilaa 0,6 ha-it missaannik annertussuseqarpoq. Immikkoortumi inissaq sinneruttoq 2.000m <sup>2</sup> -iussaaq aamma inissiat 20-t taakkua ilusilersorneqarnerat apeqqutaallutik. Matuma qulaani illuliornissanut periarfissat nunguppata immikkoortup ilaa tamakkerluni sanaartorfigineqareersutut sinneruttunillu inissaqartitsiffiunngitsutut isigineqalissaaq.
<b>5. Eriagisariaqartut</b>	
Sumiiffimmi illoqarfimmi nutarsaasoqarsinnaavoq, ilaatigut illuliat pioreersut isaterneqarnerisigut. Illoqarfimmik nutarsaaneq ataatsimut pilersaarusiornikkut pissaaq.	<i>Immikkut ittunik aalajangersagaqanngilaq</i>
<b>6. Nunaminertat piumasaaqatitaqarfiusut</b>	
Immikkoortoq mittarfimmumt akornutaasussaannngitsup ataanniippoq, tassaalluni nallarissoq akornutitaqartussaannngitsoq tassani sanaartukkat aamma atortussaasiviit nunap immamit qatsinnerussusia 127,5 qaangerlugu sanaartorfigeqqusaannngitsoq aamma nunap immamit qatsinnerussusia 121,5 qaangerlugu aqquuserngit sanaartoqqusaanatik. Immikkoortoq mittarfimmumt aporfeqanngitsup ataanniippoq narlorissullu inissisimanerata ilaanut ilaalluni, tassanilu illut nunamiit illuliat nuuata tungaanut 127,5 qaangerlugu sanaartoqqusaanatik aqquuserngillu sanaartorneqarnerini 121,5	Immikkoortoq mittarfimmumt akornutaasussaannngitsup ataanniippoq, tassaalluni nallarissoq akornutitaqartussaannngitsoq tassani sanaartukkat allallu atortussaasiviit nunap immamit qatsinnerussusia 127,5 qaangerlugu sanaartorneqaaqqusaannngillat aamma nunap immamit qatsinnerussusia 121,5 qaangerlugu aqquuserngit sanaartoqqusaanatik. Immikkoortoq mittarfimmumt akornutaasussaannngitsup ataanniippoq, tassaalluni nallarissoq akornutitaqartussaannngitsoq tassani sanaartukkat aamma atortussaasiviit nunap immamit qatsinnerussusia 127,5 qaangerlugu

qaangeqqusaanagu.	sanaartorneqaqqusaanngillat aamma nunap immamit qatsinnerussusia 121,5 qaangerlugu aqquserngit sanaartoqqusaanatik.
<b>7. Aqqusinertigut angallaneq teknikkikkullu pilersuinerit</b>	
Immikkoortoq Jens Kreutzmannip Aqqutaanit, Dr Ingridsvejimit aamma Qatserisunit aqquteqarpoq.	Immikkoortoq Svend Jungep Aqqutaanit aamma Qatserisunit aqquteqarpoq.
<b>8. Illoqarfimmik nutarterineq</b>	
<i>Immikkut ittunik aalajangersagaqanngilaq</i>	Immikkoortumi illoqarfimmi nutarsaaneq ingerlanneqarsinnaavoq illut pioreersut isaterneqarnerisigut - taakkununga ilanngullugu qatserisarfik (B-1402) - taanna nuunneqassaaq isaterneqarlunilu pilersaarusiamik piviusunngortitsineq sioqqullugu.
<b>9. Immikkoortukkuutaat</b>	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>

## 2.2 AALAJANGERSAKKAT SUKUMIISUT

Immikkoortoq immikkuualuttumut ataatsimut agguarneqassaaq, assitut ilanngussami takutinneqartut. Immikkuualuttumut nutaamut, aalajangersakkanik sukumiisunik nutaanik aalajangiisoqassaaq.

Aalajangersakkat sukumiisut assigiinngitsuupput ilaatigut sanaartukkanut aamma sanaartorfiunngitsunut tunngallutik. Immikkut ittunik pisoqartillugu aalajangersakkanit sukumiisunit akuersissuteqartoqarsinnaavoq.

<b>Immikkuualuttoq 1</b>
<b>1. Inissialiat inissinneqarnerat</b>
<p><b>Imm. 1:</b> Sanaartukkat aamma atortulersuutit nutaat 1C35-mi sanaartorfissatut assitaliussaq naapertorlugu inissinneqassapput. Tamanna aamma sanaartukkanut mikinernut atuuppoq soorlu sikkiliisivinnut aamma sakuutaasivinnut, teknikkut atortulersuutinut assigisaannullu.</p> <p><b>Imm. 2:</b> Sanaartorfissaq A-mi illut sanaartukkat ataatsimik pingasulluunniit tikillugit quleriussapput, portussusissaat annerpaamik 12 meteriulluni aamma sanaartorfissaq B-mi sanaartukkat nutaat pingasunik tallimalluunniit tikillugit quleriuisinnaapput portunerpaaffissaat 20-meteriulluni.</p> <p>Teknikkikkut atortulersuutit soorlu silaannarissarfiit, elevatorit assigisaallu portussutsinik killilersuinernut ilaatinneqanngillat.</p>
<b>2. Inissialiat isikkui</b>
<p><b>Imm. 1:</b> Sanaartukkat nutaat avatangiisit eqqarsaatigalugit ilusilersorneqassapput aamma atorneqassapput.</p> <p><b>Imm. 2:</b> Sanaartorfissani ataasiakkaani illuliat illulioriaaseq, atortussat qalipaattillu eqqarsaatigalugit ataatsimoortutut isikkoqartinneqassapput.</p>

**Imm. 3:** Illuliat – tassunga ilanngullugit quit assigisaallu – atortussat soorlu qisuit, igalaamerngit, eternit, ujaqqat, zink, aluminium, sisak betoniluunniit atorlugit sanaajussapput. Eqqaamiut saneqquasullu eqqarsaatigalugit illut silataasa iigai qinngorneqarlutik inngiartuussanngillat.

**Imm. 4:** Qaliat qaavi minnerpaamik gradinik sisamanik uingatilugit aamma qalissiamik taartumik, zinkimik, kanngussamik, qisunnilluunniit qalluserlugit qaliat qaavisut qorsuusutut ilusilersorneqassapput (issuatsiaanik ivikkanilluunniit) inngiasutsitsissanngillalli. Tamakkunanga ilanngutinngitsuukkat tassaasinnaapput aneerasaartarfiit assigisaallu atortussiat allat atorlugit uinganeqanngitsunillu sananeqarsinnaasut.

Qaliat qaavini igalaajusinnaasut assigisaallu inissiat qaliaasa qaavinut naleqquttumik inissinneqassapput.

**Imm. 5:** Seqerngup qinngornerinik katersuissutit, seqinisaatit assigisaallu illup qaliata iigaataluunniit ilaatut ilanngunneqarsinnaapput aamma eqqaamiunut saneqquasunullu inngiasutsitsissanngillat, imm. 2.3 takuuk.

**Imm. 6:** Silaannarissarfiit, elevatorit, pujoorfiit assigisaallu illup titartarneqarnerata ilaatut ilanngunneqassapput. Taamaattumik silaannarissarfiit motorii illumi illulluunniit silataanni takussaasumut inissinneqassanngillat.

**Imm. 7:** Allagartarsuit illup ilusaa titartarneqarneralu naapertorlugit ilusilersorneqassapput. Allannerisa angissusaat 2 m<sup>2</sup>-it sinneqassappata ikkussinissamut Kommuneqarfik Sermersuumut qinnuteqaateqartoqassaaq.

### 3. Aqquserngit aqqusineeqqallu

**Imm. 1:** Svend Jungep Aqqutaanit aamma Qatserisunit aqqusineqassaaq, ilanngussatut assitaliussa 1C35 naapertorlugu.

**Imm. 2:** Eqqaani aqqusineeqqanut allanullu aqqutissat qulakkeerneqassapput. Aqqusineeqqat sapinngisaq tamaat nunaareersumut naleqqussarneqassapput, taamaattorli tikikkuminarissaat eqqarsaatigineqassaaq.

**Imm. 3:** Immikkoortup ilaani kommunimut pilersaarummi aalajangersakkat nalinginnaasut naapertorlugit biilinit inissiisarfillortoqassaaq. Inissianut quleriinnut inissiamut ataatsimut > 50m<sup>2</sup>: biilinit inissiivissaq ½ aamma < 50 m<sup>2</sup> biilinit inissiivissaq ¼, allaffeqarfinnut, meeqqerivinnut il.il.: biilinit inissiivissaq 1, 50 m<sup>2</sup>-inut tamaginnut aamma pisiniarfinnut: 25 m<sup>2</sup>-erinut tamaginnut biilinit inissiivissaq 1.

Ataatsimut biilinit unittarfiornermut tunngatillugu elbiilinit immiisarfissanik nappaasoqarnissaa periarfissaqassaaq.

**Imm. 4:** Immikkoortup ilaani sikkilunik inaalitsivik qulisaq inissiap affaatut annertutigisoq aamma inissiamut ataatsimut, kollegiamut assigisaanullu ataatsimut sikkilunik inaalitsivik affaq sananeqassaaq.

**Imm. 5:** Aqquserngit aalajangersimasunik titarnilersugaapput (immikkut ittumik killeqarfiliussat) inissialiorfiusut sanaartorfiillu aqquserngup qeqqaniit 12,0 meterinik Svend Jungep Aqqutaanut aamma Qatserisunut inissinneqassanngillat, aamma immikkoortup ilaani aqquserngit nutaat aqqusermit 7,5 meterinik takinerusumik inisseqqusaanatik.

### 4. Nunaminertat sanaartorfigineqanngitsut sunngiffimmilu atortulersuutit

**Imm. 1:** Nunaminertat sanaartorfigineqanngitsut, sammisassanut aamma pinnguartarfittut, arsaaffittut assigisaannillu aneerfissatut suliarineqassapput.

Nunaminertat sanaartorfigeqqusaanngitsutut uninngatitat sanaartorfigineqarsinnaanngillat, taamaallaalli

ingerlatsinermut pisariaqartunik illunut atuuttunut tunngasunik sanaartorfiusinnaapput.

**Imm. 2:** Sumiiffiup atuuffianut atasumik aneerfissat kisitsisit makkua tunuliaqutaralugit pilersinneqassapput:

- Meeqqueriviit assigisaallu: sanaartukkap annertussusia tamakkiisoq 100 %-imik aallaavigalugu.

Immikkoortortap allanut atuuffia apeqqutaatillugu ineqartunut aamma atuisunut pinnguartarfinnik aamma aneerfissanik pilersitsisoqassaaq.

**Imm. 3:** Tamakku seqerngup sammivia uningaartarfiillu pitsaassusii eqqarsaatigalugit inissinneqassapput.

**Imm. 4:** Nunaminertat illuliornernut, aqqusinernut, aqqusineeqqanut, biilinet inissiisarfinnut aamma ataatsimoorullugit uningaartarfinnut atugassiissutigineqarsimanngitsut sanaartorfigineqassanngillat aammalu uningaartarfittut pinngortitatut isikkoqartut atugassiissutigineqassallutik.

### 5. Teknikkimut atortulersuutit

**Imm. 1:** Inissialiat nutaat pisortat innaallagissamut imermullu aqquataaannut aamma kuuffissuaataannut attavilerneqassapput.

**Imm. 2:** Imikoq qasertoq qernertorlu tamarmik kuuffissuakkuut kuutsinneqassapput. Nunap qaavata ernga kussiamiillu imeq kuuffissuakkoortinneqassanngillat kisiannili illulianut, aqqusinernut, aqqusineeqqanut nunaminertanullu sanaartorfigineqanngitsunut eqqaamiorisanut akornutaanngitsumik kuutsinneqassapput.

**Imm. 3:** Pilersuinermut aqquutit tamarmik nunap iluatigoortinneqassapput. Ledninginik inuup allap allangortiterisinaanera ledninginik piginnittumut aningaasartuutaassanngilaq aamma tamanna ledninginik piginnittoq aatsaat isumasioqqaarlugu taassumalu innersuussutai malillugit pissaaq.

**Imm. 4:** Immikkoortup ilaanut teknikkikkut atortulersuutit soorlu transformaatoriisiviit assigisaallu immikkoortup ilaanut pilersuinermut atortut inissinneqarsinnaapput. Teknikkimut atortulersuutit Nukissiorfiit aamma Kommuneqarfik Sermersooq siunersiorlugu aamma atortut takussunarsaatinnagit inissinneqassapput.

### 6. Nunaminertat sanaartorfigineqanngitsut

**Imm. 1:** Illuliat nutaat sapinngisamik nunamut pioreersumut naleqqussarneqassapput. Teknikkikkut imminut illersorsinnaasumik illuliornissaq eqqarsaatigalugu pisariaqartitsineq taamaallaat naapertorlugu nunamik allanguisoqassaaq.

**Imm. 2:** Ilanngussami 1C35-mi takutinneqartutut sanaartorfinni nunaminertanilu aqqusinernut, biilinet inissiisarfinnut assigisaannullu atorneqartuni pisariaqartinneqartumik nunagissaasoqarsinnaavoq.

**Imm. 3:** Immikkoortup ilaani naasut pioreersut sapinngisamik paariinnarneqassapput aammalu ajornanngippat inaalinneqassallutik, taamaalillutik sanaartortoqareerpat ilusaattut ilerseqqinneqarsinnaaniassammata.

**Imm. 4:** Immikkoortup ilaa qaartiternerluokoqarpat qaartiterinermi assartuinermiluunniit siammarsimasinnaasunik salinneqassaaq.

**Imm. 5:** Nunaminertat sanaartorfigineqanngitsut saligaatsuutinneqassapput eqqiluitsuutinneqarlutillu. Silami inaalitsisoqaqquusaanngilaq.

### 7. Eriagisassaq

*Immikkut ittunik aalajangersagaqanngilaq*

<b>8. Pinngortitap illersorneqarnissaanik soqutiginninnerit</b>
<i>Immikkut ittunik aalajangersagaqanngilaq</i>
<b>9. Nunaleraluni nunamik atuinissamik soqutiginninnerit</b>
<i>Immikkut ittunik aalajangersagaqanngilaq</i>
<b>10. Ataatsimut atortulersuutit</b>
<b>Imm. 1:</b> Biilinu inaalitsiviit pillugit immikkoortut aalajangiussat 3.3 takukkit. <b>Imm. 2:</b> Silamiiffissat pillugit aalajangersakkat immikkoortuni 4.1, 4.2 aamma 4.3 takukkit.
<b>11. Piginnittut peqatigiiffii</b>
<b>Imm. 1:</b> Immikkoortup ilaani illut pillugit ataatsimut soqutigisanik isumaginnittussamik piginnittut peqatigiiffiannik pilersitsisoqassaaq. Illuutillit, namminersorlutik inuussutissarsiutillit illuutaat immikkoortullu ilaani atuuffiit allat ilaasortaasussaataapput (aamma piginneqatigiilluni inissiaatileqatigiit). <b>Imm. 2:</b> Aqquserngit, aqqusineqqat nunaminertallu sanaartorfigineqanngitsut – aamma ukiuunerani – illulianut attuumassuteqartut peqatigiiffimmit isumagineqassapput. <b>Imm. 3:</b> Peqatigiiffik kingusinnerpaamik pilersinneqassaaq sanaartorfimmi siulliulluni naammassineqartumi illulianik nutaanik naammassinninnerni atuilernernilu <b>Imm. 4:</b> Peqatigiiffimmit sumi najugaqarneq ataavartumik Kommuneqarfik Sermersuumut nalunaarutigineqartassaaq.
<b>12. Avatangiisinik mingutsitsinermi killissarititaasut</b>
<b>Imm. 1:</b> Immikkoortup ilaani eqqaavinnut containeriusunut assigisaanni eqqakkanut atugassanik inissiiffissanik nunaminertanik inniminniisoqassaaq.
<b>13. Illut nukissiuutinik atuinikitsut</b>
<i>Immikkut ittunik aalajangersagaqanngilaq</i>
<b>14. Atuinissamut piumasaqaatit</b>
<b>Imm. 1:</b> Imatut pisoqaqqaartinnagu illuliat nutaat iserterfigineqassanngillat: <ul style="list-style-type: none"> <li>• immikkoortoq 3 naapertorlugu biilinu inissiisarfilliortoqareerpat.</li> <li>• immikkoortoq 4 naapertorlugu nunaminertanik ataatsimoorussassanik pilersitsisoqareerpat.</li> <li>• pisortat pilersuutaannut attavilernerit pereerpata.</li> <li>• inaarutaasumik nunagissaanerit naammassineqareerpata.</li> <li>• immikkoortortami qatserisarfik atuuttut isaterneqarsimassaaq</li> </ul> Piffissap sanaartorfiusup tamanna ajornartissappagu immikkoortuni taaneqartut Kommuneqarfik Sermersuumik isumaqatigiissuteqartoqareerpat piaarnerpaamik suliarineqassapput.

### 3 AKUERSINERMUT UPPERNARSAAT

Kommunit pilersaarummut tapiliussaq una 1C35-1 Qatserutaasivik, Nuuk, matumuuna Kommuneqarfik Sermersuup Kommunalbestyrelsanit akuersissutigineqarpoq ulloq 20.02.2018

Kommuneqarfik Sermersooq ulloq 113-2018




Aasi Chemnitz Narup  
Borgmesteri



Lars Møller Sørensen  
Kommunaldirektøri

Ulloq 14.03.2018 inaarutaasumik atuutilersutut tamanut nalunaarutigineqarpoq.



KOMMUNEQARFIK SERMERSOOQ  
Sanarfinermut Avatangisinnullu Ingerlatsivik  
Forvaltning for Anlæg og Miljø

Kommunimut pilersaarummut tapiliussaqq IC35-I  
Kommuneplantillæg IC35-I

Ilanngussaaq I, Immikkoortoq IC35  
Bilag I, Delområde IC35  
Aggusti 2017 / August 2017  
Uutuut I: 1000 / Mål I: 1000  
A4